

ANG MAAYONG BALITA SUMALA NI LUKAS

Lecture 1

Si Lukas:

- isa ka doctor; posible dili Judeo; ang ubang manunulat nag-ingon nga isa siya ka Syriano gikan sa Antioch; uban siya ni Pablo sa mga missionary journey; siya ang nagsulat sa Maayong Balita ni Lukas ug sa Mga Buhat; sumala sa tradisyon, na martir siya sa Grecia.

Ang Lukas:

- pinakahingpit nga sugilanon kabahin sa pagka-Tawo ni Hesus
- unang bahin sa duha nga sinulat ni Lukas kabahin sa kasaysayan sa sinugdanan sa Kristianismo
- gipakita nga si Hesus gayod ang Manluluwas sa kalibotan, ang gitagna na sa mga propesiya
- gipakita si Hesus ang Tawo, Perpekto nga Propeta
- pagpili niya sa mga sugilanon nagpakita sa iyang interes sa mga tawo, hilabi na ang mga masakiton ug kabos, mga kababaihan, kabataan, ug ang mga tinamay sa katilingban
- sinulat alang sa mga Griyego (ngalan nga Theophilus isa ka Griyego)

A. Deuteronomio 18:15-18 saad sa Diyos nga magpadala Siya ug isa ka Propeta gikan sa kaliwat ni Moises

B. Pito ka Mahimaayong Propesiya (Chapter 1,2)

1. Ang Anghel ug si Zechariah
2. Ang Anghel ug si Maria
3. Si Elizabeth
4. Si Maria
5. Si Zechariah
6. Ang Ang Mga Anghel ug ang Mga Pastores
7. Si Simeon ug si Ana

C. Ang Mensahe ni Juan Bautista (Chapter 3 :1-19)

1. Pagwali kabahin sa bautismo sa paghinulsol alang sa pagwagtang sa kasalanan (3:1-3)
2. Pasidaan sa mga katawhan sa umaabot nga paghukom (3:4)
3. Pagbag-o sa kinaiya – paghimo ug mga butang nga tukma sa paghinulsol (3:8-14)

D. Pagtan-aw sa pulong nga "paghinulsol" sa Daang Tugon: Hebroanong kahulugan mao ang pagbalik sa sinugdanan.

1. Ezekiel 33:11 – Paghinulsol kundili mapukan, balik ngadto sa Dios.
 - a. Ang Israel pinili nga katawhan sa Dios
 - b. Nakadawat sila sa balaod sa Dios ug sa kahibalo kabahin sa Dios
 - c. Sa ilang kabubot-on nihimulag sila gikan sa Dios
 - d. Mensahe pagbalik nila sa Dios (paghinulsol)

2. Sa Lukas 15 ang nawala nga karnero nagpahilayo sa Magbalantay sa Karnero ug ang nawala nga anak, sa iyang kabubot-on gibiyaaan niya ang iyang pamilya ug kagikan.
 3. Ang paghinulso sa Hebroanong pagsabot mao ang mensahe ngadto sa mga katawhan nga anaay diosnong kagikan, sa pagbag-o sa ilang mga kinaiya ug pagbalik sa Dios.
 4. Magmatngon sa pag gamit sa pulong nga paghinulso sa pagpadayag sa Maayong Balita ngadto sa mga katawhang walay kagikang Kristohanon. Unsay balikan nga Dios nga wala man silay kaalam kabahin sa Matuod nga Dios?
- E. Sa Griyego, ang "paghinulso" mao ang pagbag-o sa huna-huna. Ang tawo nga moduol sa Dios kinahanglan magbag-o sa iyang huna-huna. Mao nga ang kaluwasan anaay kalambigitan sa pagbag-o sa kasing-kasing.

Ang problema sa pag gamit sa pulong nga paghinulso sa pagpadayag, kadaghanan ang pagsabot pagbag-o sa batasan. Ayaw isagol ang grasya ug buhat. Ang pagpabag-o sa batasan sa pagsangyaw sa Maayong Balita dili na putli nga grasya kundili sagol sa buhat. Dili na kini kaluwasan sa grasya matud pa ni Pablo (Roma 11:6). Ang pulong nga "paghinulso" wala usab gigamit ni Juan nga apostol sa iyang Maayong Balita tungod kay ang tumong niya pagpadayag ngadto sa tibook kalibotan, dili lamang sa mga Judeo.

Wala pud kini gigamot ni Roy Robertson sa Bridge Illustration.

"Ablihi ang inyong mga kasing-kasing ug pasudla si Hesus" (Rev. 3:20) nagpakita sa pagbag-o sa huna-huna ug kasing-kasing, walay apil ang pagbag-o sa batasan (buhat).

- F. Busa magmatngon sa pag gamit sa pulong nga "paghinulso". Sa Athens, si Pablo nagwali "talikdi ang inyong mga dios-dios ug tuhoi ang Matuod nga Dios".

Ang mga propeta sa Israel kaniadto nagwali sa "paghinulso kundili mapukan" ngadto sa ilang kaugalingong katawhan. Sa atong pagsangyaw ngadot sa kanasuran, tutokan nato ang pagsangyaw sa Maayong Balita dili ang kondensasyon.

- G. Ang mensahe ni Hesus dili sama sa mensahe ni Juan Bautista (5:31,32; 19:10)
1. Pagsangyaw sa Maayong Balita sa Israel
 2. Paghupay sa mga nagsubo
 3. Paglinggawas sa mga dinakpan
 4. Paghatag ug kahayag sa mga buta
 5. Paglinggawas sa mga binilanggo
 6. Pagsangyaw sa tuig sa kmaayo sa Dios

Ang paghukom giandam lamang sa panahon nga gitagana sa Dios.

MGA APLIKASYON SA LUKAS

- A. Mensahe ni Juan Bautista, isa ka propeta
 - 1. Pagkondena sa dautang pagkinabuhi
 - 2. Pagtalikod sa sala ug pagbalik sa Ginoo
 - 3. Pagpasidaan batok sa mga anaa sa gahom ug sa adunahan sa dautang paagi
 - 4. Pagbadlong sa mga katawhan/kultura
- B. Mensahe ni Ginoong Hesus, Maayong Balita sa Grasya
 - 1. Pagsangyaw ngadto sa mga timawa ug dinaog-daog
 - 2. Pagsangyaw sa pagtoo kang Kristo ug sa Iyang kamatayon sa krus alang sa kapasayloan sa sala
 - 3. Isa ka Maayong Balita nga puno sa grasya, walay kondensasyon nga makita
- 4. Ang magwawali ug misyonero, kinahanglan manggialamon sa pagpresenta kang Hesus ug krus alang sa kaluwasan. Dili mag-apil apil sa mga kalihokan batok sa gobierno sa nasud diin nagmisyon.